

海龍縣志卷十五

物產

滿洲位於東北地大物博稱雄海內比年劃疆自守寔一經濟淵藪外人譽爲生命腺學者視同處女地而各國工商業尤以吾滿爲原料供求地旅行家嘗謂不到滿洲不知滿洲土地之廣不到滿洲不知滿洲物產之豐其重視滿洲從可知矣

海龍特產以大豆穀糧爲大宗次如礦山水利皆佔重要位置徒以技術不良財力不及坐令黃金天府久鏑不開捧金碗而勺殘羹殆是謂歟自建國迄茲地利漸闢資源漸裕熙來攘往如步春臺世界樂園在此而不在彼請觀下列物產昇降表可証將來之富庶

物產

全縣之出產以元豆爲大宗每年出口之數約五十五萬八千石（舊量器）其次則爲高糧又次則爲包米乃土人常食之品然每遇外縣荒旱本地豐收亦有時出口其出口之數或四萬五千餘石或三萬六千餘石不等茲將全縣物產分類列後

一、植物

菽類

元豆 可榨油可製腐銷路最廣并供化學及肥料之用

黑豆 可作牛馬飼料

小豆 分白赤黑各色可製粉可躡入秫米粳米或小米中煮爲

飯食并作餈餈餈及醬料

綠豆 可製粉可製餌可生芽爲蔬若入藥品且可解毒故又名吉豆云

豌豆 遼志謂之曰鶻豆今名豌豆有大小二種可作羹菜

豇豆 一生雙莢有紅白二種細而長者充蔬菜名長豆皮薄者秋成取粒

雲豆 相傳種自雲南來俗呼六月鮮可作蔬菜一名早雲豆

寬雲豆 似雲豆而寬厚一名江南寬一名大挽袖

長雲豆 似雲豆而肉圓厚至秋涼結莢愈盛一名礮子豆

刀豆 一名氣豆莢形似刀故名

海龍縣志 卷十五物產

二

穀類

稷 即今之穀也詩彼黍離離彼稷之苗彼稷之穗彼稷之寔言稷之苗穗寔不與黍同也靈壽志黍早而稷晚黍大而稷小黍穗散稷穗聚稷即粟也今俗所謂小米者稷也所謂黃米者黍也今北人所謂粟者穀也所謂小米者亦穀也今吉龍兩省人皆樂食之餘稍遜

稻 名秣詩豐年多黍多秣是也黏者爲糯不黏者爲秈本境昔年陸地多種之近年水稻盛興幾爲出產之大宗

脂麻 有黑白黃三色沈存中筆談張騫自西域得來油麻種故又名胡麻正字通麻麥黍稷麻即今油麻月令食麻與犬

是也一說張騫所得之胡麻亦可出油非今之脂麻也

蜀黍 俗名高糧詩如茨如梁不能藝稻梁是也有紅白二種詩

維糜維芑註糜赤梁粟芑白梁粟也以其種子由蜀地傳

播故名蜀黍舂之爲米可製飯漚之爲粉可漿衣燒之可

製酒磨之可製麵爲穀類中之用途最大者

玉蜀黍 俗名包米分黃白二種可煮之爲飯可磨之爲粉且可製

爲餱糧爲東邊各縣農人常用之品

黍 俗名糜子其米曰大黃米有粘性土人多磨粉製餅或煮

之以爲飯爾雅翼黍有赤黍黑黍朱子詩傳秬黑黍也秠

黑黍一粃二米者也

小麥 分春麥秋麥二種本境氣候稍寒種春魂者頗少惟秋麥

種之者較多可製麩

大麥 可製爲酒麩亦可爲飯本境種之者尙少惟開燒鍋人家

每年略種之

菽麥 本境種之者最多蓋以氣候稍寒凡春耕誤期或改種均

植之以爲晚田

稗 最宜於下濕地本境種之者少蓋本境山地居其大半而

下濕地惟平原有之

蘇子 分紅白二種可榨油本境種之者尙少

粟 俗名穀子其米通稱小米可爲人之食料而其莖曰穀草

爲飼牛馬之要品

杭 亦作粳稻陸種者米曰粳米水稻米曰稻米

黏蜀黍 俗名曰黏高糧米多用以製糕其桿與高糧桿無甚差別

通爲秫稽用作燒柴

紅黏穀 其莖葉與粟同但微紅耳米粒小土名小黃米亦可爲燒

酒作飯製糕等用

蔬類

菘 俗名白菜分春秋二種春菘則食用之日期較短而秋菘或漬之爲酸菜或蓄之爲黃葉白食用之日期最長周彥綸所謂秋末晚菘是也

韭 本境氣候稍寒產期最晚每年須清明以後始有本地產出者周彥綸所謂春初早韭蓋指內地而言也

葱 爲四季之常菜本境所產者曰羊角葱爲春初發芽者曰白露葱爲秋初之所種者曰火葱爲夏季所種而移植者至冬季爲乾葱

蒜 分紅皮白皮二種白皮者味稍遜紅皮者味最辛爾雅註葷菜也生在山中者名蒿本草張騫使西域始得種於中國故一名胡薤

菠菜 分春秋二種本境種春菠菜者最多秋菠菜種之者較少
芹菜 分水旱二種本境種水芹菜者少園圃所種者皆旱芹

芫 荽 俗名香菜分春秋二種春秋香菜本境皆有種之者張騫

使西域得種又名胡荽後因石勒諱胡改作香荽

萵 苣 俗名生菜以其爲生食之菜也本境種之者頗多

蘿 蔔 俗名大蘿蔔伏初布種秋後成寔

水蘿蔔 有紅白二種春初種之至端陽前後本境始有此菜

胡蘿蔔 形長而色赤土人或以爲鹹菜每逢喜事或以之爲菜碼

取其紅也

芋芥菜 其莖葉均可醃爲鹹菜根之最大者形如蘿蔔亦可爲鹹

菜俗曰鹹菜疙疸

茄 分長形圓形二種本境所種者以長形爲多至每年初伏

始見此菜

秦 椒 俗名辣椒本境所產者甚小質薄近年來始有大辣椒每

年至端午節後先由朝陽鎮輸入縣城而縣城尙須八九

日始見本地所產者

馬鈴薯 俗名地豆分紅白二種爲本境菜品中極盛之菜近年來

以之製粉者最多

山 藥 昔時本境栽之者絕少近年來頗爲發達最大者每枚約

有二三斤之重量雖由事之使然亦足徵氣候之轉移也

安徽菘 俗名疙疸白春種秋成其所結之寔最大者如斗本境惟

山地產者最大平地則稍遜

黃花菜 野生物一名金鍼菜曬乾可食

蕨菜 一名如意菜以山中爲最多

筒蒿 花黃如小菊葉如蒿春秋皆可種俗呼藤蒿菜

青蘿蔔 似水蘿蔔而粗大色青甘脆一名青頭蘿蔔俗呼拌倒驢

明葉菜 初生可食長成可作藥曰桔梗

抱頭菜 花朮苗

藕 荷根生泥中可作菜城西大灣龍溝間產之

薇 莖葉氣味似豌豆故一名野豌豆

馬齒莧 土俗馬食菜一名五行菜以其葉青莖赤花黃根白子黑也

菌類

榛蘑 味最鮮爲野生物昔時產出最多近年來較少

榆蘑 味最鮮生於枯榆之上每屆舊歷七八月之交土人取之

刀切鱣鹹名曰鱣水蘑

元蘑 野生物昔年最多近來較少

花臉蘑 味鮮似口蘑野生物近年來亦漸少

蹻子蘑 野生物味似元蘑微含毒質食之不慎往往被其所毒

粉蘑 生野草間磨面粉亮味鮮美今產甚少

白蘑 未出荒以前產之現不多見菌類中最珍貴品味異常菌

木耳 昔年產生者最多近年漸少

瓜類

黃瓜 一名胡瓜按陳藏器本草謂北人避石勒諱改呼黃瓜至今因之時珍本草謂張騫使西域得種故名胡瓜又按杜寶拾遺錄謂隨大業四年避諱改呼黃瓜今俗以月令王瓜生謂黃瓜卽王瓜誤矣王瓜土瓜也

攪瓜 可煮食

倭瓜 卽南瓜可煮食

甜瓜 俗名香瓜種類甚多味極甘美魏文帝與吳質書浮甘瓜於清泉卽此甘以其味言甜字音之轉也義同

西瓜 形圓味甘可以解暑近年來又有洋西瓜者橢圓形味最甘然以土質變遷故亦不若初時之美也胡嶠陷虜記契丹破回紇得此種以牛糞覆棚而種大於中國冬瓜而味甘

葫蘆 種類甚多其大者嫩時可充食品成時可作器皿小者可作玩具詩八月斷壺是也

匏瓜 俗名瓠子嫩時可食料惟微苦食之不愼易使人腹泄詩甘瓠累之南方謂之地蒲

打瓜 形似西瓜而橢圓子多可食名曰瓜子

苦瓜 一名錦荔枝一名癩葡萄滿身痒磊俗名癩瓜

昔蓀 俗名地瓜本境以氣候較寒雖有栽植者肉少筋多不適

於人近年來氣候變遷所產出者較之從前不啻天淵
花類

石榴 色有紅白味有酸甜博物志張騫使西域得安石榴

榴花 有紅白兩色中心花瓣如起樓台者謂之重台皆開花而不結子

高麗菊 有淡黃深黃杏黃及紅紫各色其莖長其葉細花冠分單雙朶如江西臘大惟花瓣稍粗且有異味置之窗前可避蟲類

月季 羣芳譜一名勝春俗呼月月紅有淺紅深紫二種

鳳仙花 俗名指甲草分紅白二色花冠如鳳翅故名鳳仙花又有

佛頂珠者花開頂端葉如桃柳此二類性皆透骨女兒家常用以染指故名指甲花

刺梅 叢生花粉紅色條枝有刺故名

鷄冠花 有紅白黃赤各色彩如鷄冠故名鷄冠花

江西臘 分二種有紅紫黃白灰藍各色叢生者其花小獨生者其花大花狀不一有針形筒形之別

木槿 說文舜木槿也朝花暮落禮記仲秋之月木槿榮有紫白二種

節節亭 俗名步步登高花冠成氈帽形有黃白紅紫各色其莖之高有三四云

葵 花 有冬葵戎葵兔葵向日葵錦葵蜀葵諸種以今考之冬葵其子入藥唐劉禹錫元都觀詩桃花淨盡菜花開註惟見兔葵燕麥動搖春風耳則另是一種本境此時尙無惟有向日葵花大如盤高八九尺又謂黃葵他若蜀葵戎葵兔葵錦葵皆非本境之所有

夾竹桃 俗呼柳葉桃羣芳譜五瓣淺紅嬌艷類桃花葉狹長類竹故名亦有千瓣者

茉莉花 俗名胭粉豆有紅紫黃白各色皆開於一株之上其子可製粉較鉛粉爲佳

牽牛花 蔓生花成喇叭狀又曰喇叭花在藥品中爲黑丑白丑

海 龍 縣 志 卷十五物產

九

菊 花 廣韻一名帝女花種類甚繁諸色皆備爲晚秋最盛之花六月菊 苑西集黃心藕合瓣有重紋六月開花故名

芍 藥 有紅白赤諸色根可入藥

草芙蓉 卽萬壽菊莖葉如蒿名芙蓉花

草長春 春初卽開繼續開至深秋俗名金盞子

藍 雀 不種自出每節葉對生開小藍花略似小雀張兩翼故名雁來紅 俗名老來變其黃者曰雁來黃白者曰雁來白紅黃紫綠相間者曰錦西風又名十樣錦此物無花春時葉綠至秋則變各色耳

虎耳草 一名金絲荷荷

爬山虎 如牽牛花而大行蔓甚長

蝴蝶花 花似蝶有藍紫二種

山丹花 紅花六出一名紅百合其萼未開曬爲紅花菜

捲丹花 六出四垂大如山丹花結子葉間

玉簪花 葉叢生兩大莖頂生花未開時如白玉搔頭名玉簪棒秋時花開如捲丹形至晚清香遠聞一名鶴花

荷包花 花似荷包鬚亦如穗

晚香玉 花似玉簪高莖至晚花開清香無比白日則閉故名

石竹花 枝似竹而細花色不一有紅有白瓣頭有鋸齒入藥名瞿

麥爲小品中之最佳者

草繡球 花紫色如彈大絨團式瓣甚硬

野菊 莖葉花皆是菊而小花瓣圓頭朵如大錢

四季海棠 木本粉花如牽牛花同而小春時開花鮮艷無比

迎春 迎春而開亦名迎春柳

丁香花 莖似樹粉紫花叢開如茉莉花頗有香味又名百結花

玫瑰花 生山野間枝有刺如月季花紅者可用製玫瑰又將玫瑰

花加蜀黍內可製成玫瑰露酒極佳又有一種家玫瑰較

野玫瑰莖高而花大其用途同

繡球花 有陰陽二種葉如榛而黃綠六七開小粉攢聚成球

薄荷梅 花有藍白紅粉諸色作筒狀葉如薄荷

洋石竹 莖葉如家石竹花有白黃藍紫各色宿根能重發

西番蓮 莖高四尺餘花有黃紅紫粉各色極鮮妍至秋開愈盛又名天竺牡丹亦名笞箒梅

滿地金錢 花黃或紅莖高尺餘花開如錢大叢生故名

虞美人花 花如嬰粟而小寔如嬰粟之寔花有粉白二色極妍麗可觀

洋海棠花 莖矮生葉短圓花有紅紫黃色俗呼馬食菜花

葫蘆海棠 如燈籠果之葉莖高尺餘花紅紫色開時狀如葫蘆

美人苧 葉如芭蕉花紅黃二色狀如牽牛花莖高二尺餘

金絲菊 蔓生花似菊而小有淡青及藍二色

海龍縣志 卷十五物產

一一

藥類

山人葎 甘溫微苦補氣瀉火現在本境產之極少縣城南杏嶺山有大葎一苗往往在遠處見之繼至近處則不見矣據土人云已成葎仙

鹿茸 性熱善調元

柴胡 苦微寒境南鴨綠崗多產之

桔梗 甘寒無苦凡山嶺處皆產之葉爲明葉菜

茄花 即茄花霜降後採之入藥

茄根 即茄子老根霜降後採之入藥

黑脂麻 名巨勝平無毒與白脂麻異不能榨油

薤白 各地皆產之俗名小根菜

苦丁香 卽甜瓜蒂也

馬齒莧 園田中皆產俗呼馬食菜人亦食之但不可與鱉同食

車前子 味甘鹹性寒無毒路旁多生之葉大俗名車輪菜

遠志 苦溫無毒莖葉細小又名小草

百合 根如蒜頭有瓣善補氣

細辛 辛溫無毒花紫根葉皆可入葯產於城南北山嶺間

地虜子 苦寒無毒園中產之卽掃帚子

防風 可療頭風故名防風

菟絲子 辛甘平無毒多產於豆地根附豆苗最能害禾俗名黃殍

子

升麻 味甘苦性微平無毒根入葯其苗俗呼爲苦龍芽

赤芍 味苦微寒產山野中卽山芍藥花赤者之根入藥

白頭翁 味苦性溫有微毒卽野蘭花之嫩葉

透骨草 產山中俗名山豆秧子

瞿麥 花紫其形如麥卽石竹花

馬勃 味辛性平無毒形似菌而圓球熟時彈之有灰紫粉俗呼

馬糞胞

蒲公英 其甘平無毒遍地皆生花黃似菊而小俗呼婆婆丁

小茴香 本名蒔蘿辛溫無毒寔褐色輕小六七月採之入藥

杏仁 味甘苦性溫有微毒卽山杏仁也

桃仁 甘平無毒卽食桃之仁也

鷄冠子 苦平無毒家園內常種之花子

荆芥穗 產山中辛苦而溫芳香而散莖入藥茗荆芥子入藥名芥穗

蒼朮 苦溫辛烈產山中

薄荷 辛涼田野中皆生之不及蘇川之產也

五味子 酸溫能斂肺氣而定喘

狼毒 可治疥有微毒善消風濕

牛蒡子 味辛善於消痰止嗽

海龍縣志 卷十五物產

一三

草類

叭喇草 野生性最暖爲穿叭喇者必需之品本境產地最多每屆冬令常輸之於外有紅根白根二種用時搗亂

艾 俗名艾蒿可以灸病

蒲 卽菖蒲生湖泊中俗呼臭蒲

茜草 俗名錯草爲錫匠必用之品每年常輸之於外

蓑衣草 一名莎草其莖三稜可製爲禦雨之蓑衣用

香草 一名七里香卽芸也置書中可以避蠹女子置絲囊內聞香曰香囊

紅茅草 生下溼地亦葯屬中微空而莖細高土人用以苦房曰小

葉障

羊草 細莖叢生可飼羊土人呼之曰羊鬍子草

馬蘭 似蒲而小花藍色如蘭花無香可作染料根可製刷葉可

捆物俗呼馬蘭

莠 生於田中俗名穀莠子一名狗尾草

扁担草 田野多有可飼牛馬土呼水稗子

茨 蔓布地而生細葉三角形莖有刺刺人

水茨姑 葉似馬蘭而矮花紫結寔三角形如唱戲人頭頂上戴之

茨姑花

香蒲 莢可食然土人罕有食者茸入藥名蒲黃草可製包名蒲

海龍縣志

卷十五物產

一四

包結寔如棒子有絨名蒲棒絨可裝枕

水葱 生水中如葱而細長名萃管可編涼席又可製扇曰蒲扇

萍 浮生水面紫背者可入藥

蓼 土名狗尾把吊子又名水蓬苛實可入藥曰水紅子亦名

天仙子

益母蒿 一名坤草可製膏作藥

筴筴草 莖高葉細碎嫩時可作蔬成時可作筴

洋筴筴 似筴筴而矮團葉淺綠色花極微子多種成行列極可觀

賞

蘋 浮生水面葉大者曰馬藻葉細者水蘊冬取食之曰冬青

菜

山蒜 葉似韭而圓根如蒜頭而小俗呼小根菜

花耳 一名場子莖高二尺餘葉尖圓子入藥曰花耳子

洋鐵葉 葉似芭蕉而短小根能解毒子可裝枕

木類

榆 分山榆家榆爾雅疏榆有十類皆相似本草白榆名粉詩

東門之粉是也

楊 分青白二種青楊葉大而圓白楊葉微小本性不燥烈

柳 種類甚繁有山川柳有水曲柳有倒垂柳

柞 樹質最堅葉可飼蠶幹可製器具

楓 樹 印色樹可供賞觀

椴 樹 紫色者最佳皮有麻可掇繩木可製紙

山茶 可染青為本境出口之物品

松 樹 分二種曰果松能結寔曰杉松脂多本境產者甚稀墓墳

處間有之又有黃花松油松二種黃可製材油可供燃

柏 樹 人家作為盆景無甚大者

樺 樹 皮有花紋可包木器木有包可雕刻各種器物

櫟 樹 亦柞類亦名栩結寔甚多俗呼橡子可飼猪葉可放蠶

煖 木 即黃蘗木皮厚煖可包弓背細幹可作鞭桿老人多用作

杖

老鸛眼木 本名鼠李木質堅有花紋子赤黑如鸛眼幹有花點皮可染色

曲櫚木 一名水冬瓜可作車仆

色木 質堅硬可作扁担

果木類

桃 本境氣候較寒能保存者最少近年漸有能保存者所結之寔亦不甚大

李 有乾李水李之別本境土質最宜於此所以徧處皆是

杏 野生者極多惟酸澁不適於口

梨 種類最多皆酸澁不適於口

軟棗 蔓生味酸甜多生於深山之中

葡萄 漢書作蒲陶博物志張騫使大夏得葡萄本境現所產者有山葡萄家葡萄之別皆蔓物生於山中者形如櫻桃色黑生於園圃者有長形曰鷄心葡萄有圓形者曰圓葡萄

山梨紅 味甜酸本境到處皆有其最大者如酸楂

櫻桃 以本境關帝廟產者最佳

柳李 爾雅謂之棠棣多生山野間俗呼棠錠子

石榴 肉紅色子多味酸可食

榛 寔如小栗北山一帶產之

燈花果 外薄殼中含紅寔可食俗呼姑娘

蓮 寔曰蓮子有紅白二種花紅者蓮多藕少花白者蓮少藕佳

菱角 一名芰荷有黑紫二種每寔由三角至四角結合而成生水中

菸類

黃菸 爲本境之大宗出產每年輸之於外

高麗菸 味最辛烈近年種之者較少

淡巴菰 卽煙草美國黃色菸今已試種成功

麻類

線麻 本境種者極多爲每年出口之品

海龍縣志

卷十五物產

一七

綵麻 本境種者極多爲每年出口之品

靛

藍靛 詩終朝采藍月令無刈藍以染是也本境昔年種之極多爲出口之大宗物品近年以來種者漸少蓋因外國之靛

油輸入也

蜜 有山蜜家蜜之別山蜜白家蜜紅

二、動物

禽類

鷄 有家鷄野鷄二種雄者羽毛豐美以時而鳴雌者產卵

鶩 俗名鴨拙於飛翔巧於游泳雌者亦產卵較鷄卵爲大生

於野者爲野鴨本境極多

鶩 頸長嘴大雌者所產之卵大而且美

鴿 亦名鶉鴿唐明皇呼爲飛奴陸佃云鴿性喜合凡鳥雄先雌惟鴿乘雄逐月有子周禮庖人掌供六禽鴿其一野生者極多有黑色有灰白色者夜棲檐下晝食田間爲害禾稼之鳥

雀 說文依人小鳥也古今注亦名佳賓又名瓦雀多巢於瓦屋檐詩雙雙瓦雀行書案故名瓦雀爲野生物其有害於禾稼較鴿爲甚

燕 卽玄鳥有巢於檐間者有巢於梁上者春來秋去皆以社

海龍縣志 卷十五物產

一八

日故名曰社燕

雁 春來秋去本境氣候較寒來時晚去時早

棒錘鳥 一名黃干戈食人葠子故名棒錘鳥昔時本境極多近來漸少

鶉 鶉 夏小正田鼠化爲鴛註卽鶉雄曰鶉鷓曰痺夜則羣飛晝則草伏無常居而有常匹所謂鶉之賁賁也鶉鶉相似而不同另是一物故詩言鶉而不言鶉性善鬥頭小尾禿嘴角皆短

烏 純黑而反哺者謂之烏詩莫黑匪亦名鸞詩弁彼鸞斯有白項者

鴉 本作鴉亦作鴟小而腹下白不反哺者爲鴉亦名寒鴉詩
玉顏不及寒鴉色

鵲 大如鴉長尾尖嘴黑爪綠背白腹其音啾啾故謂之鵲禮
月令季冬之月鵲始巢開口避太歲能報喜呼爲喜鵲性
最惡濕又稱乾鵲

藍紅靛頰 俗讀頰曰刻藍靛頰頰下有藍毛紅靛頰頰下有紅毛
故名

蘇雀 頂有紅毛食蘇子又名千里紅立冬時此雀最多

啄木鳥 舌細長銳尖端生逆鈎善啄木蟲俗名刁木官子

布穀 羽毛有芝麻花甚美麗一名鳴鳩俗燒姑姑

海龍縣志 卷十五物產

一九

鷹 目銳體壯性猛人多養之用以捕野禽

鳶 善飛高翔雲霄翼作水平狀喜捕食鷄雛小鳥等

鴟 俗呼貓頭因頭類晝伏夜出

蝙蝠 爾雅謂之服翼兩翅兩足夜飛晝伏糞入藥曰夜紅砂

縮鴉鳥 色灰黑形如鸛翅大腿高飛時頸縮俗名縮鴉子老等

窩懶 黑色當春耕時翱翔空際嘯聲甚美

蠟嘴 嘴如黃蠟羽毛灰黑性靈故人每畜之教其歌唱

打油鳥 形似鴿每發聲嘯則曰打油打油故名

獸類

馬 本境所產者諸色皆備土人多畜之或用之駕車或用之

挽犁

牛 田家多用之耕地間有取其乳汁以製酥酪者

騾 本作羸馬騾相交而生者呂氏春秋趙簡子臣陽成渠須有疾醫云得白騾肝則生簡子殺所愛之白騾取肝與之神仙別傳李少君死後有人見之在河東蒲坂乘青騾帝聞之發棺皆無所有矣

驢 有褐灰白三色以午及五更而鳴以應漏刻本境氣候較寒每年所產者雖多而活者甚少大半皆購自異地

羊 田家所畜者有山羊綿羊之別毛可製氈皮可製裘

豕 俗呼爲猪皆畜之以爲食品毛亦可製物每年輸出甚夥

海龍

縣志

卷十五物產

二〇

犬 俗呼爲狗多畜之以司夜又有獵犬者腰細腿高咀尖毛短獵人以之獵雉兔今漸少

貓 性靈敏人多畜之以捕鼠

狐 說文妖獸也類書狐有媚珠種類不一毛極溫暖可製裘惟其性狡猾多疑不易獵取

麇 性癡最易獵取本境昔時最多今則漸少

狼 性殘忍似犬而畧瘦脚有蹠能涉水爲害人之獸

貉 頭銳鼻尖晝伏夜出毛溫暖可製裘

獾 皮可爲褥本境昔時頗多今則漸少

鼬 俗名黃鼠狼子又名黃皮子尾可製筆

獺 居湖泊中本境昔時頗多今則漸少

鹿 本境昔時野生者極多今則歸於人家圈養

熊 昔時極多今則時一見之

狸 與狐形同惟狐之身瘦而長狸身肥而短

兔 形似鼠而大尾短耳長前足短後足長有野兔家兔之別
家兔黑白二種野兔毛色隨時變更

鼠 穴居人家屋內盜洞破坦常嚙器物且爲百斯篤傳染之
媒介

山 狸 形似貓而大毛黃有黑點花紋皮可製裘

刺 蝟 形似鼠而豬嘴足尾俱短物一犯之則全身縮如栗房毛

海 龍 縣 志 卷十五物產

二一

刺極硬可作藥材俗名刺蝟蝟

鱗類

鯉 本境之柳河下通輝發江所產之鯉間有赤脊金鱗者味
頗鮮美

鯽 一名鮒埤雅魚族行以相卽故謂之鯽亦謂之鮒形似鯉
而脊隆多生於湖泊中

鮎 爾雅註鮎別名鱮江東呼鮎爲鱮本草圖經鱮背青而口
小者名鮎無鱗生於流水者少止水者多

黃 昂 似鮎而小兩腮有刺

蛇 種類最多有名爲黃花松黑烏紗者皆不噬人惟鉄樹皮

與馬蛇子最害人

蛙 生於池沼中善鳴俗謂蛙鼓

鰕 俗名鰕花產柳河下流

鮠 無鱗似鮎而大俗名槐子魚

鱖 形狹小而長鱗白而細性好浮水俗名白漂子

鮠 形似蛇頭銳身滑俗名泥鮠

蝦 境內各水均產小蝦

蝸 牛 軟體動物身藏殼內成螺旋狀

蛤 殼黑而扁水泡河灣多產之肉兼有食者俗名臊蛤蜊

假 蚌 形似蛤而身長細腹內無珠故名假蚌

海 龍 縣 志 卷十五物產

二二

鰲 俗呼脚魚肉可食甲可供葯

昆蟲類

蜂 有馬蜂土蜂蜜蜂之別爾雅翼北方土燥故多土蜜南方

地濕故多水蜜者蜜蜂也爾雅翼土蠶大蜂在土中作房

方言燕趙之間謂之蠓螭或謂之蚘蛻亦名蠓螭晉書慕

容庖入蠓螭塞言塞北汛房蜜如蜂房此土蜂也形細長

多於屋檐下作房或作房樹者馬蜂也其於大小不等種

類實繁

蜨 俗名蝴蝶又名蛺蝶化生物形色大小甚不一致

蟋 蟀 一名促織古今注蟋蟀一名蜚一作蛩詩疏似蝗而小黑

如漆有角翅楚人謂之王孫幽人謂之促織語云促織鳴
懶婦驚

螞 蟥 能飛能跳亦害禾之一種

蜻 蜓 俗名螞蛉六足四翼常飛於水際

蛾 其類甚繁凡草木小蟲皆能化之

蚊 說文作蟲從昏從蟲以昏時出也埤雅蠅成市於朝蚊成
市於昏乃濁水中之子子所變喙甚長吸人之血往往爲
瘡疾之媒介

蠅 一名蒼蠅喜逐臭爲傳染病之媒介

蟑 螂 居室中往往有之爲無血微生物

海 龍 縣 志 卷十五物產

二三

蟻 一名綠螳羣居喜鬥性最靈每陰雨先知之以填其戶

蜈 蚣 足最多壁中每生之爲本境最少之蟲

蚰 蜒 近於蜈蚣本境亦少

蜘蛛 一名蜘蛛善於網羅羽翼

附註特殊物產

民國七年山城子南河得一魚形似鰍長五六寸無腮自腮向後以
次排列七眼但睛不動乃鮪也

民國十六年山城子西二龍山張姓得金色蛙三足乃蟾蜍也狀爲
金蟾張姓將持赴省城獻張巡閱使行至清河溝而斃

民國十八年五月山城子春明胡同小兒女得綠蟾蜍一旋即斃

民國十五年築修奉海鐵路開鑿二龍山會友店路旁小山頭從土中得活鯽二長七八寸双目炯然躍動如乍離水爲郭姓取去畜之水中多日始斃開鑿此山並得石卵二圓徑六七寸搖之內似有聲爲韓姓取去是否含有空青倩人購之不與

礦物

煤礦 一在山城鎮西南大灣溝一在邑南仙人溝每年產出之煤不抵所耗之工所以至今猶未能暢旺也

金礦 一在縣治西南二伯丹（卽今二八石）一香爐碗子清光緒末年曾開採後以金苗不旺遂停辦自新國成立友邦人士續議於二八石處再行開辦遂於康德三年六月間寔行工作矣金苗亦不甚暢現仍採辦